



Saca potret **GRANDI** di bo Reina of Prins

Checkpoint Color

Nos mes tin disfraz!


Checkpoint Studio Cura Cabay,
Santa Cruz y Oranjestad.



Afl. 15 so!

Empleadonan di Caribbean Town den accion pa falta di pago

ORANJESTAD (AAN)— ayera varios empleado di
Den oranan di mainta di Caribbean Town Hotel a bay



den accion pa medio di un paro di actividadnan, ya cu e gerencia di e hotel aki a keda sin paganan y nan a dicidi di tuma un parto te ora cu e situacion worde resolvi.

Sr. Carlos Leañez, representante di FTA a splica cu pa 7 luna caba e trahadornan di e compania aki ta hayando problema cu nan salario y cu semper ta un parti di nan ta wordo paga prome y despues e resto y ta asina cu pa colmo dia 24 di Januari nan a cobra e salario cu tabata coresponde na luna di December 2000.

Aparentemente e gerente di

Food & Beverage den representacion di e propietario-nan di e hotel, a aserca Sr. Leañez cu e proposicion cu Dialuna nan lo por paga 15 trahador y Diabierna e resto na loke nan a nenga di acepta ya cu tur mester wordo paga of ningun, y esey mester sosode e siman aki, como consecuencia e trahadornan lo no reanuda nan trabao te ora cu tur empleado wordo paga; e total di empleadonan di e compania ta di 35.

Ta conoci caba cu e compania aki ta den problema pa causa di belasting y aparentemente e empleado-

nan tambe tin di sufri e consecucionan di e situacion aki, pero e problema principal ta cu e empleadonan tambe tin debe paga na banco y cada vez cu e compania ta cay atras den nan pago di salario, e empleadonan si tin di haya un porcentaje di multa pa nan atraso.

Den oranan di atardi di ayera e grupo di empleadonan di mainta lo mester a topa cu esunnan di atardi pa nan por splica e situacion y asina nan uni tambe na e accion aki pa nan tur por cobra nan salario.